

## Mga Insentibo sa Buwis para sa mga Negosyo

Mahigit sa limampung milyong Amerikanong may kapansanan ang bumubuo sa malaki, halos hindi pa natutuklasang merkado para sa mga negosyo gaano man kalaki. Upang tulungan ang mga negosyo sa pagsalubong sa mga kliyenteng may kapansanan, naghahandog ang IRS ng dalawang insentibo sa buwis upang matanggal ang mga harang sa paraan ng madaling paglapit.

Ang mga negosyo ay maaaring makinabang sa dalawang insentibo sa buwis ng Pederal na magagamit para tumulong na mapunan ang halaga ng mga ginagawang pagpapabuti sa paraan ng madaling paglapit para sa mga kliyenteng may kapansanan:

- **Ang kredito sa buwis para sa mga maliliit na negosyo** na nagtatanggal ng mga harang sa paraan ng madaling paglapit mula sa mga pasilidad nito, nagkakaloob ng madaling makuhang mga serbisyo, o gumagawa ng iba pang mga hakbang upang mapabuti ang paraan ng madaling paglapit ng mga kliyenteng may kapansanan.
- **Ang pagbabawas ng buwis para sa mga negosyo** gaano man kalaki na nag-aalis ng mga harang sa paraan ng madaling paglapit sa mga pasilidad nito o sasakyan

Ang negosyo na taunang nagkakaroon ng karapat-dapat na mga paggugol upang magawa nitong sumunod sa ADA ay maaaring gamitin ang mga insentibong ito sa buwis sa bawat taon. Maaaring magamit ang mga insentibo sa iba't ibang uri ng mga paggugol; gayunman, hindi maaaring magamit ang mga ito para sa halaga ng bagong pagpapagawa. Ang lahat ng pag-aalis ng harang ay dapat sumunod sa umiiral na mga pamantayan ng Pederal sa karapatan sa madaling pagkuha ng serbisyo.

### Kredito sa Buwis (Tax Credit)

Ang maliliit na mga negosyo na may 30 o mas mababang bilang ng mga kawani o may kabuuang kita na \$1 milyon o mas mababa ay maaaring gamitin ang Disabled Access Credit (Internal Revenue Code, Section 44). Ang mga karapat-dapat na maliliit na negosyo ay maaaring makakuha ng kredito ng hanggang sa \$5,000 (ang kalahati ng karapat-dapat na paggugol na hanggang sa \$10,250, na walang kredito para sa unang \$250) upang mapunan ang mga halaga nito para sa paraan ng madaling paglapit, kabilang ang pag-aalis ng harang mula mga pasilidad nito (hal., pagpapalawak ng pintuan, paglalagay ng rampa), pagkakaloob ng mga serbisyo para sa paraan ng madaling paglapit (hal., mga sign language interpreter), pagbibigay ng nilimbag na materyal sa mga kahaliling pormat (hal., large-print, audio, Braille), at pagkakaloob o pagpapabago ng kagamitan.

### Pagbabawas sa Buwis (Tax Deduction)

Ang mga negosyo gaano man kalaki ay maaaring makinabang sa pagbabawas sa buwis na ito. Sa ilalim ng Kodigo ng Rentas Internas (Internal Revenue Code), Seksiyon 190 ang mga negosyo ay maaaring makakuha ng pagbabawas sa mga gastos sa negosyo nang hanggang sa \$15,000 kada taon para sa halaga ng pag-aalis ng mga harang sa mga pasilidad o sasakyan.

### Kombinasyon ng mga Insentibo ng Buwis

Itong dalawang insentibo ay maaaring magkasamang magamit ng karapat-dapat na mga negosyo kung kuwalipikado ang mga pagugol sa ilalim ng parehong Seksiyon 44 at 190. Kung ang mga gastos ng maliit na negosyo ay lumampas sa \$10,250 para sa pinakamataas na kredito sa buwis na \$5,000, sa gayon ang pagbabawas ay katumbas ng halagang matitira sa pagitan ng kabuuang ginugol at halaga ng nakuhang kredito.

### Mga Pormularyo at Lathalain ukol sa mga Insentibo sa Buwis

Bisitahin ang Internal Revenue Service website sa [www.irs.gov](http://www.irs.gov) o tumawag sa 800-829-3676 (voice); 800-829-4059 (DY) upang mag-order ng kinakailangan sa negosyo na mga pormularyo at lathalain: Form 8826 (Disabled Access Credit) at Publication 535 "Business Expenses" (pagbabawas sa buwis).

Para sa higit pang impormasyon tungkol sa mga insentibong ito sa buwis at ang ADA, tumawag sa Kagarawan ng Katarungan (Department of Justice) ADA Information Line sa:

800-514-0301 (voice)

800-514-0383 (TTY)

o bisitahin ang *ADA Business Connection* sa:

[www.ada.gov](http://www.ada.gov)



Small Business Assistance Center  
City Hall, suite 110 • 1 Dr. Carlton B. Goodlett Place  
San Francisco, CA 94102  
415-554-6134 • 415-558-7844 (fax)

